



Broj: 01-07-26-5518/23  
Sarajevo, 24.07.2023. godine

**BOSNA I HERCEGOVINA**  
**PARLAMENTARNA SKUPŠTINA BIH**  
**ZASTUPNIČKI DOM**  
**Trg BiH broj 1**  
**71000 SARAJEVO**

BOSNA I HERCEGOVINA  
PARLAMENTARNA SKUPŠTINA BIH  
SARAJEVO

|                        |               |
|------------------------|---------------|
| PRIM. 03.08.2023       | Broj priloga  |
| Organizaciona jedinica | Klasifikacija |
| 01-50-1-15-8/23        |               |

**PREDMET:** Odgovor na zastupničko pitanje zastupnika Branislava Borenovića, dostavlja se –

**Veza: Vaš akt broj: 01-50-1-15-8/23 od 05.07.2023. godine**

Vašim aktom, broj i datum gornji, dostavili ste nam zastupničko pitanje Branislava Borenovića, zastupnika u Zastupničkom domu Parlamentarne skupštine Bosne i Hercegovine, postavljenog na 8. sjednici Zastupničkog doma Parlamentarne skupštine Bosne i Hercegovine, održanoj 05.07.2023. godine, predsjedateljici Vijeća ministara Bosne i Hercegovine Borjani Krišto u usmenoj formi.

Na postavljeno usmeno pitanje, odgovorio je ministar pravde Bosne i Hercegovine Davor Bunoza, a zastupnik Branislav Borenović, zatražio je da se odgovor dostavi i u pisanoj formi. Pitanje zastupnika Branislava Borenovića iz dostavljenog neautoriziranog transkripta 8. sjednice Zastupničkog doma Parlamentarne skupštine Bosne i Hercegovine, a za koje se traži dostava odgovora u pisanoj formi, glasi:

*„Moje pitanje je, koliko sam dobio informaciju da će odgovor dati ministar pravde, ali u svakom slučaju je vrlo aktuelno. Aktuelno je već više godina i tiče se reforme Ustavnog suda BiH i to pitanje je dovedeno do točke usijanja u posljednjih desetak dana nakon što su promijenjena pravila odlučivanja i rada Ustavnog suda BiH, i naravno, odluke Narodne skupštine Republike Srpske. Moje pitanje je kratko i jasno, obzirom da je Savjet ministara BiH odraz skupštinske većine koja je simetrična, ne samo u zajedničkim institucijama BiH, nego i u Federaciji i Republici Srpskoj, moje pitanje je- Da li Savjet ministra priprema prijedlog Zakona o Ustavnom sudu BiH i kada će biti upućen u parlamentarnu proceduru, jer se radi o jednom od najprioritetnijih pitanja od interesa, velikog interesa ne samo za nas ovdje, nego i za javnost u ovoj zemlji i očekujem da dohijem konkretan odgovor od strane Savjeta ministara. Ima li zakona o Ustavnom sudu BiH na vidiku?“*

## ODGOVOR

Uvaženi zastupniče, gospodine Borenoviću, na naprijed navedeno pitanje na koje sam dao usmeni odgovor na 8. sjednici Zastupničkog doma Parlamentarne skupštine BiH, održanoj 5.7.2023. godine, dostavljam kako ste tražili i odgovor u pisanoj formi. Temeljem članka VI l.d) Ustava BiH Parlamentarna skupština BiH ima pravo da nakon pet godina od prvog imenovanja sudaca Ustavnog suda BiH, a to je bilo 1997. godine, dakle od 2002. godine, predvidi, propiše drugačiji način izbora troje sudaca koje bira predsjednik Europskog suda za ljudska prava. Iz Mišljenja koje je Europska Komisija usvojila o zahtjevu Bosne i Hercegovine za članstvo u Europskoj uniji, kao što je poznato, identificirano je 14 ključnih prioriteta koje Bosna i Hercegovina treba ispuniti kako bi dobila preporuku za otvaranje pregovora o pridruživanju Europskoj uniji, odnosno kako bi postala punopravna članica Europske unije. Ključni prioriteti obuhvaćaju područja demokracije, vladavine prava, osnovnih prava i reforme javne

uprave temelje procesa pridruživanja Europskoj uniji. U oblasti demokracije potrebno je reformirati Ustavni sud Bosne i Hercegovine, uključujući rješavanje pitanja međunarodnih sudaca i osigurati provedbu odluka Ustavnog suda Bosne i Hercegovine. Ministarstvo pravde Bosne i Hercegovine se u proteklom razdoblju posvetilo izradi zakona i bitnih odluka koje se odnose na ispunjavanje 14 ključnih prioriteta kako bi Bosna i Hercegovina mogla otvoriti pregovore za pristupanje Europskoj uniji, a značajan dio tih prioriteta, odnosi se na nadležnosti Ministarstva pravde Bosne i Hercegovine, bitno je da se poduzmu odlučni koraci za jačanje pravosuđa, učvrsti vladavina prava, raditi na sprječavanju i borbi protiv korupcije i organiziranog kriminala. Ministarstvo pravde Bosne i Hercegovine predlaže je ključnih zakona, koji su bitni za ispunjavanje 14 ključnih prioriteta, kao što su Zakon o sprječavanju sukoba interesa u institucijama Bosne i Hercegovine, Zakon o Visokom sudskom i tužiteljskom vijeću, Zakon o sudovima i Zakon o slobodi pristupa informacijama na nivou institucija Bosne i Hercegovine. Kao što sam i usmeno odgovorio, na sjednici održanoj 05.07.2023. godine, u narednom razdoblju, nastojat ćemo da imenujemo radnu skupinu koja će pokrenuti izradu propisa koji se odnose na reformu Ustavnog suda BiH, statusa međunarodnih sudaca, kao i provođenje odluka Ustavnog suda Bosne i Hercegovine sukladno sa Ustavom Bosne i Hercegovine i postavljenim ključnim prioritetima.

Slijedom naprijed navedenog, uz nastojanje da će uskoro doći do reforme Ustavnog suda Bosne i Hercegovine i provođenja odluka istog, izražavam nadu da će sa reformom Ustavnog suda Bosne i Hercegovine i naprijed navedeni zakoni biti usvojeni, kako bi Bosna i Hercegovina pokazala volju, za otvaranje pregovora za pristupanje Europskoj uniji, jer članstvo u Europskoj uniji, donijelo bi brojne benefite za Bosnu i Hercegovinu i njezino stanovništvo.



**DOSTAVLJENO:**

- Naslovu,
- co Predsjedateljici Vijeća ministara BiH,
- a/a.